

**НЭГДСЭН ҮНДЭСТНИЙ БАЙГУУЛЛАГЫН ХҮНС, ХӨДӨӨ АЖ АХУЙН
БАЙГУУЛЛАГЫН ТӨЛӨӨЛӨГЧИЙН ГАЗАР БАЙГУУЛАХ ТУХАЙ МОНГОЛ УЛСЫН
ЗАСГИЙН ГАЗАР, НЭГДСЭН ҮНДЭСТНИЙ БАЙГУУЛЛАГЫН ХҮНС, ХӨДӨӨ АЖ
АХУЙН БАЙГУУЛЛАГА ХООРОНДЫН ХЭЛЭЛЦЭЭРИЙГ СОЁРХОН БАТАЛСНААР
МОНГОЛ УЛСАД ҮЗҮҮЛЭХ ҮР НӨЛӨӨ, ҮР ДАГАВРЫН ТАЛААРХ ДҮН
ШИНЖИЛГЭЭ**

Нэг. Эерэг үр нөлөөний талаар:

1.1.Эрх зүйн үр нөлөө:

- Хүнс, хөдөө аж ахуйн байгууллага нь Нэгдсэн Үндэстний Байгууллагын төрөлжсөн байгууллагын хувьд Монгол Улсад байнгын төлөөлөгчийн газартай болж, албан ёсны олон улсын эрх зүйн статус бүхий хамтын ажиллагааны үндэс бүрдэнэ.
- Хоёр тал урт хугацаанд тогтвортой хамтран ажиллахад дэмжлэг үзүүлэх эрх зүйн зохицуулалт бий болох бөгөөд Хүнс, хөдөө аж ахуйн байгууллагын зүгээс үзүүлэх дэмжлэгийг шууд хэрэгжүүлэх боломж бүрдэнэ.

1.2.Санхүү, эдийн засгийн үр нөлөө:

- Хүнс, хөдөө аж ахуйн байгууллагын төсөл, хөтөлбөрийг Монгол Улсад шууд хэрэгжүүлэх таатай орчин бүрдэж, буцалтгүй тусламж болон олон улсын хамтын санхүүжилтийг татах боломж нэмэгдэнэ.
- Төлөөлөгчийн газар байгуулагдсанаар Хүнс, хөдөө аж ахуйн байгууллагын олон улсын ажилтнууд Монгол Улсад байршин ажиллах нөхцөл бүрдэх ба энэ нь төслийн хэрэгжилтийг шууд хянан дэмжих, хөрөнгө оруулалтын үр ашигт нөлөөлөх чухал хүчин зүйл болно.

1.3.Институцийн болон хамтын ажиллагааны үр нөлөө:

- Монгол Улсад Хүнс, хөдөө аж ахуйн байгууллагын суурин төлөөлөгч ажилласнаар байгууллагын бодлого, хөтөлбөр, санхүүжилтийн механизмыг илүү үр дүнтэй, шуурхай хэрэгжүүлэх боломжтой болно.
- Уур амьсгалын өөрчлөлт, өлсгөлөн, ядуурлыг бууруулахад чиглэсэн үйл ажиллагаа, арга хэмжээнүүдийг олон салбарт хамтран хэрэгжүүлснээр төсөл, хөтөлбөрийн үр өгөөж нэмэгдэнэ.
- Хүнс, хөдөө аж ахуйн байгууллагын техник туслалцаа, бодлогын зөвлөмж, хяналт шинжилгээ, үнэлгээний дэмжлэг улам бэхжиж, дотоодын бодлого төлөвлөлтөд эерэгээр нөлөөлнө.

1.4.Олон улсын хамтын ажиллагааны үр нөлөө:

- Хүнс, хөдөө аж ахуйн байгууллагын гишүүн орны хувьд Монгол Улс нь бүс нутгийн болон глобал түвшний бодлого боловсруулах, шийдвэр гаргах түвшинд илүү идэвхтэй, нөлөө бүхий оролцогч болно.
- Хүнс, хөдөө аж ахуйн салбарт олон улсын хамтын ажиллагааны хүрээ тэлж, Монгол Улсын манлайлал болон хариуцлагатай гишүүн орны байр суурь баталгаажна.
- Монгол Улсын уур амьсгалын санхүүжилт, хөрөнгө оруулалт татах чадамж нэмэгдэж Уур амьсгалын ногоон сан, Хүлэмжийн хийн ялгарлыг бууруулах арга хэмжээний сан болон бусад доноруудтай хамтын ажиллагаа өргөжнө.

1.5. Нийгэм, орон нутгийн үр нөлөө:

- Хүнс, хөдөө аж ахуйн байгууллагын тусламжтай орон нутгийн хөгжлийг дэмжих, малчид, фермерүүд, бичил үйлдвэрлэгчдийг дэмжсэн төсөл, сургалт, инновацын шийдлүүдийг хэрэгжүүлэх боломж нэмэгдэнэ.
- Хүнсний аюулгүй байдал, шим тэжээлийн хүртээмж, орлого нэмэгдүүлэх хүрээнд эмзэг бүлэг, эмэгтэйчүүд, хүүхдүүдэд чиглэсэн үр өгөөжтэй төслүүд нэмэгдэнэ.

Хоёр. Дүгнэлт

Хүнс, хөдөө аж ахуйн байгууллагын төлөөлөгчийн газар байгуулах тухай хэлэлцээрийг соёрхон батлах нь Монгол Улсын хүнс, хөдөө аж ахуйн салбарын дахь гадаад хамтын ажиллагааг шинэ шатанд гаргах, олон улсын дэмжлэгийг тогтвортой хангах, хөдөө аж ахуйн хөгжилд тодорхой хувь нэмэр оруулах алхам болох юм.

Хэлэлцээр соёрхон батлагдсанаар:

1. Хоёр талын эрх зүйн харилцаа албан ёсоор баталгаажна.
2. Хүнс, хөдөө аж ахуйн байгууллагын төсөл, хөтөлбөрийн хэрэгжилтийн үр дүн нэмэгдэнэ.
3. Хүнс, хөдөө аж ахуйн байгууллагын хөтөлбөр, донор байгууллагуудаас ирэх санхүүжилтийн урсгал нэмэгдэж, уур амьсгалын болон тогтвортой хөгжлийн зорилтот төслүүдийн хүрээ өргөжнө.
4. Иргэд, малчид, жижиг фермерүүдэд чиглэсэн дэмжлэг, сургалт нэмэгдэх бөгөөд орон нутгийн хөгжилд эерэг нөлөө үзүүлнэ.
5. Мал аж ахуй, газар тариалан, уур амьсгалын тэсвэртэй байдал, инновац зэрэг чиглэлд илүү өргөн хүрээнд төсөл хэрэгжүүлэх боломж бүрдэж, хүнс, хөдөө аж ахуйн салбар дахь хамтын ажиллагаа өргөжнө.

МОНГОЛ УЛСЫН ЗАСГИЙН ГАЗАР